

عدد — ۷۹

امور اداره و تحریریه و اعلانات و سائرہ
ایچون مدیر مسئولہ مراجعت ایدملیدر.

صرفای امتک مقالات متصوفانہ لرینہ
جریدہ صوفیہ تک حیفہ لری آچقیدر .
درج ایدلایان اوراق اطامہ ایداز .

جریدہ تصوف فیہ

شیمدیالک ہفتہ دہ بر نشر اولنور .

نسخہ سی ۴۰ پارہ در

ابونہ سی : بر سنہ لک اعتباریلہ ممالک
ہمانیہ ایچون ۴۰ آلتی آیلنی ۲۵ فروش
وممالک اجنبیہ ایچون اون ایکی فرانقدر

محل اداره باب عالی جوارندہ ابوالسعود
جادہ سندہ نجم استقبال مطبعہ سی

تصوفی ، دینی ، اخلاقی ، سیاسی جریدہ اسلامیہ در

مضمون حسب حاله امتثال

صوم و صلاة و حج ايله صائمه بتر زاهد ايشك
انسان كامل اولمه لازم اولان عرفان ايش

اوروج و نماز و حج و زكات ارکان و اساسات دينيه محمديه دن اولدني منصوص اولوب قرامله اقوام با غبه اباحيه سي دوکونتوري فرق ساله سنک و مذاهب ائم و ملل دن خارج (باب) دنيلان سفالارک زعم باطل و اقوال عاطله لرينه رغماً اقوام عتيقه و جديده اسلاميه نك بو خصوصه كي عقيدة قويه لرې موجب فرح و فلاحدر بونک معکوسى ادعا ايدنار سالف البيان اباحيه طائفه باطله سیدرکه اعصار سابقه دبري شرمزه قبله اولارق بحکمة الله کوره کي امت آرمه سنده اکسيک اولماشاردر. فقط ه نحن نزلنا لذر و انا له لحافظون ه سرندن بونلر غافلدرلر چونکه قرآنک بتون اسکامنه ايمان قوي ايله مؤمن دکالدر بونلرک احوالی بوندن اولنکي مقاله ده تشریح ايدلشدر بونلر ذاتاً عرفان و ايقادن نصيب سزدرلر لکن شريعت مطهره نك مغزولې اولان حقيقت و آنک مرحلي بولنان طريقتي و بونلرک اهلی انکار واديسنده بويان اولارق يالکيز صورت و تقليد ايله اوغراشان و عبوديتي هر بار و مطلقاً ثواب و درجانه منحصر قیلان کسه مرده ابرار و مقربين زمزمه سته داخل اولميه جقلرندن حضرت شيخک ديمک ايسنديکي بو قسم اخيرده ده لازم اولان عرفان حقيقي مفقوددر. مصري حضرتاري ذاتاً زاهد خطابه ايله مخاطب ايدنديکي امت مرحومه محمديه نك اهل تقليد قسمي اولديقمده شبهه يوقدر اولجه سويلديکمز اباحيه طائفه سي آنک و بتون اسلاملرک نظرند داورا اسلاميتدن بيروندر. مقلدين اهل شريعتک ايشته زلزل صورت شريعتي محافظه ده البته انلره قياس قبول ايتمز درجه ده بر استثنائيت وارددر، چونکه المرأ مع من احب ه بيورلشدر.

اما بو تقليد يزلده ايش تيمه چکي و نضله بته مديکي ميدانده در شريعت مطهره نك ظاهري بتون تعطيل و يا تاويل ايله ترك و تبديله جرات ايدنار قرآن کریمي معنا تحريف ايتک جرأيه رؤساي نصرايه نك تاريخاً ثابت اولان مجالس متعدده اساسات دينيه لرندن بتون بتون تباعد ايدرک رها بونک نفس و هواليه کوره قوردقري طوزاغک عيني دين مبین اسلامده قورمق سولاسنده بولتيورلر. ديگر طرفدن قورو بر تقليد و همان زهدات سوريه ايله ايش بتيور ظن ايدنلرده سابق الاوصاف دشمن ني امانلرينک الاريته ه کمز فقط نه چاره که اورديني بري قيرار و ازرا بر قلنج ويره رک کشدي اوزباشاريته اورديريورلر بو افراط ايله تفريط اراسنده بر عدالت وارددر بتون بتون صورتده قالمق عطالت اولديني کي او صورتی اورتمدن قالدیرمه چالشقمده خيانتدر. اوصورنده معنا بولميدر بو عالمده صورتسز معنا نجلي ايدمه من شريعت ايلدر. اصله اهميت و برمامک فروعدن محرومي نتاج ايدر.

شريعت طريقت و معرفتي درلو درلو تمثيلات ايله تشریح ايدنلر وارسه ه قديرک عقل قاصر م آنلري ادراکدن عاجزدر. بنم

آکلايشمه کوره شريعت بر کل آفاجيدر ارکان ديندن اولان صوم صلاة و حج زكات او آغاجک دنونما وبقا وحياته خادم برر عليه در آنلرسز شريعت اولامز خدمات نه قدر اهتمامه ايفا اولتورسه او آغاجده او قدر حيات بولور شلنور خدمت نقصان وقوعولورسه آغاج کورلنور نهايت قورور فقط کل آغاجدن مقصد بالذات نه در انک جيچيکي و بالنتيجه او جيچيکک شمه لطيفه سي و منظره طريقه سي دکيندر ه ايشته شريعت آغاجه خدمت ايتمکله برابر رطوبت و بيوستدن متأثر اولارق آييده وقوعي طبيعي اولان خسته لفلرک و انجه علنلرک بالتداوي دفع ورفتمه او آغاج اوزرنده فنا بر نوع طبابت اجرا ايتمکده طريقتدر. بنچه صاحبي کلر اوزرنده طبابت و مداواتي ايفاده قصور ايدرسه آغاج قورومسه بيله طرطيلار اوشر پاراقلر دوکولور غنچه لر سولار ده بونک کي نتيجه خسته لفلرله منظره نازکه و رايحه لطيفه بيله لذتياب اولق ايسته ديکمز او کوزل کلره دسترس اولامز اوله ايسه طريقت عايه يي بالکيه لزومسز کورنلر شجره شريعتک ثمره عاليه سي اولان و کوزل قوقولي تشبيهي لازم کلن حقيقت واصل اولامدقارندن معرفتدن کنايه ايتک ايسته ديکمز رايحه لطيفه يي بولاميه جقاري طبعيدر. حضرت مقصربنک خطاب ايتک ايسته ديکي بوقارودن بري بياني سددنده اولديقمز يالکيز کل آغاجنه صو و کوره و برمک کي کوکني قالمارتي کي خيالي فقط ابتدائي خدمتلرله اکتفا ايدوبده انک ايجه خدمتلرندن بي خبر اولان نهايت کل و رايحه سندن محروم قالان زم کي قبا و عجمي بنچوانلره مخصوص قورو برزهادر. شريعتسز نه طريقت نه حقيقت اولامز بناء عليه شريعتک خارجنده هيچ کسه عارفده اولامز فقط همان صورتده قالوبده معنادن خبرسز اولان زاهدده يتمش بيک سته چالشه عرفان بولامز حالبوکه دنيا و اخيرده ايش کورمچک عرفاندر عرفانده عشقک نتيجه سيدر. بوده شريعتک ظاهر و باطني جمع ايتک هيئتنده تجلي ايدر. ظاهري اقرار ايدوبده باطني انکار ايدنار معاند و ناقابلدر. باطني مقر و ظاهري منکر اولنلر ايسه الحاد و زنديقه بلاسيه سال و مظلدر. ظاهر و باطني جامع و يا خود ايمان بالغيب ايله هرايکي سي مقراولنلر مؤمنين و موحديندر. اهل طريق اولان عشاق الهی شريعتک فتواسيله قناعت ايتيوب تقوا و ورع درجه بيله عاملدر. چونکه آنلرک اخقاي بطوننه سرايت ايدن عشق حقيقي بيله اقتضا ايدر. عشقک تربيتي قاله و قلم ايله ممکن دکادر عشق بر جبهه در اوله بر جبهه درکه بر تو نور ايمان و عکس نفس رحمان و نسبت يالک خيب يزاندن بوجبه يي تحصيل ايتک ايسه مرشد کامله وصول ايله ممکندر. بوندن سوکره که بيلر مناسبيله مرشد کاملک اوصافي عرض اوله جقدر راه حقيقي طلب ايدنلره عشق فرضدر فرضي ترک ايدن کنه کاردر زرا عبيدي مولاسنه واصل ايدن بولارک اک قيصه و سريبي راه عشقدر. مهرانکي برواسطه که بنده يي مولايه و محبوب اعلايه اولاشد بر جقدر. مذهب عشاقده و مملک محبتده عين فرض اوله جقدر.